

新疆圖志卷六十四

山脈志六 北山二

又東曰喀爾之嶺

新疆圖說喀爾達坂在精河城北一百七十里為中俄分界三十三號牌博北為俄七河省屬

謹案中俄分界圖約作喀拉達坂為塔界第一俄國三十四號牌博自喀爾起至哈巴爾阿素嶺止共立牌博二十一處

又東北曰巴爾魯克之山其木多松檜巴爾魯克水出

新疆圖志

山脈志六

焉西流入於俄境

西域圖志巴爾魯克鄂拉在布爾哈齊淖爾東北一百五十里為塔爾巴哈台之西屏綽諾布拉克發源西北麓踰山接哈薩克境乾隆三十一年秩於祀典每歲春秋致祭西域水道記巴爾魯克亦鎮山也在塔爾巴哈台城南二百里

新疆圖說巴爾魯克山在塔爾巴哈台城南二百里四十里山南所出之水曰科別水東流八十五里不流曰烏從布拉克南流六十餘里不流曰土布



林布拉克南流三十五里不流曰烏蘭可董水東
南流五十里不流山西所出之水曰巴爾魯克水
西流五十里至四十一號牌博入俄境曰額勒格
圖水西流六十里至四十二號牌博入俄境曰察
罕托海水西北流八十里至四十三號牌博入俄
境

塔爾巴哈台鄉土志巴爾魯克山在城西南三百
六十里盤結起頂聳拔青霄袤延百餘里松檜陰
翳豐草綠縟向爲額魯特游牧地光緒九年申俄

新疆圖志

山脈志六

一一

分界約文第一條載巴爾魯克山額牧河南之地
暫作借給俄屬哈薩克居住十年限滿歸還至十
九年中俄會議界務俄人違限弗還其明年伊塔
道英林新滿營右翼協領忠瑞等據約力爭卒得
收還此山蒙哈游牧於今爲盛

俄國前派領登往巴爾魯克山遷徙俄屬哈薩
克據稱山內哈薩克業已全數遷回惟餘額勒格

河南岸種地哈薩克尙未遷移等語不料柏領事
七月二十一日抵塔爾巴哈台後意存翻案揚言

德林辦理錯誤非再展十年不可及與晤會詞意
狡展欲將寶領事領登往來照會概置不理經英
林等備文照會以俄屬哈薩克業已遷竣條約收
地限期迫近應會同查勘交界牌博訛柏領事於

八月朔十日覆文大畧言英林等欲動搆兩國和好條約所載十年限滿本有另行商辦之語仍欲從新商辦令俄民復有該山游牧又於十一日晤稱七月間中國哈薩克頭目瑪木爾伯克挈送俄國越界馬兵四名毆打細縛游示牧境有辱伊國體面請傳案質審已報俄國總督外部向總理衙門理論並稱該山哈薩克尚未遷完經英林等逐層駁詰告以屆期如有留住山內不曾遷回之人中國即照同治三年人隨地歸之約併山收管領事始登時色沮英林隨又備文以條約原爲堅和好而設不可不遵蓋印公文原爲存作信據無論本官及接任之人不得改議寶德林自四月間商辦起祇因中屬蒙哈無地安插至六月初三日寶領事始覆准遷且還日不得謂爲不曾商辦現在山已騰空若到九月初三日中國即將該山并山內留住心薩克收管係照條約及前領事來文之意辦理請其詳查往來全案公文照會去後復派員告以徒爭無益和領事始復准照約於九月初

新疆圖志

山脈志六

三

三日交還該山惟稱俄國遷回哈薩克內尚有數百戶浮住界上入冬嚴寒將不保守牲畜請念兩國和好准令暫於巴爾魯克山內過冬措給不大地方寬讓不多時候等語詞意極爲懇切英林等當查領事門首時有哈薩克數十人環求借地領事實有爲難之處若盡拂其情恐其不肯安心交山轉致事機中變當經照覆領事允爲請示辦理以安其心柏領事始於九月初一日將巴爾魯克山一帶俄卡全行撤回當勒銘額隨即派撥兵於該山沿邊舊日卡倫處所分紮六卡並飭衆衆即於初三日移牧淮山其山內留存哈薩克六百餘戶亦准領事造具人隨地歸冊籍送交中國管轄英林等當與領事商立交收該山文約無知柏領事爲俄哈所迫頓改以前借地過冬明春交還之議必欲展借至光緒二十七年爲止英林等極力拒絕始定加展一年共借二年領事方電告俄國總督而俄督仍以爲期太少領事又復求加一年共借三年臣長庚當以領事既爲俄哈所

迫勢不能盡拂其情以致債事惟念中國重在收地俄國重在得人必於約內載明限滿後俄哈不能遷徙即照回治三年人隨地歸之約統歸中國管界庶限滿後可執此作為收地之券俄督果慮及限滿後俄哈無地遷徙改以俄民與人因此借地之議亦作罷論臣等伏查巴爾魯克山西面毗連俄界表延寬廣南面緊逼精河有俯瞰之勢兩商與察哈爾游牧之博羅塔拉接壤為伊犁兩城卡倫要道東南山麓接連馬利山直抵奎屯河北岸過奎屯河即達庫爾喀喇烏蘇迤北之小草湖東北直抵塔城東南之老風口驛道僅四十里該山岬伊塔庫精四界之間若骨鯁在喉固爾圖老風口庫爾喀喇烏蘇精河皆為伊犁兩城後路要道庫爾喀喇烏蘇尤為新疆省城西面緊要屏蔽該山木茂草肥泉甘土沃自借給俄國久為俄屬哈薩克盤踞蕃滋生息俄人坐享其利一旦有事彼則因利乘便頭頭是道我則形勢隔處處處受敵近年北路搶劫之案層見疊出皆由該山而來

新疆圖志

山脈志六

四

該山一曰不收伊犁後路一曰不靖失地利擾行斷後路危疆域為害甚大是以前接辦塔爾巴哈台參贊大臣已故伊犁副都統額爾慶連次奏請察回上年夏間總理各國事務衙門因俄使有再借十年之請一面據約駁斥一面函令長庚派員與俄領事商辦伏念俄人之所甘欲於巴爾魯克山者在重斂該山哈薩克之賦稅查同治三年所訂條約有地面分有何國人丁即地隨歸焉何國管轄之語今我索還該山應告知俄官十年期限屆滿該國當速為遷民遷地否則限滿後中國即照同治三年人隨地歸之約將該處哈薩克併山收管迫以遷人以為遷地張本後函商總理衙門亦謂為然當派伊犁塔道英林前赴塔城合與領事商辦俄領事寶德林方以十年之借踞焉已有意欲久假不歸幸賴英林圖瓦強阿等爭持數月竭力索討扼定人隨地歸之約告以限滿併山收管寶德林始肯就範甫允交還該領事遽爾身故柏勒滿繼之以異常狡展幾至中變致有借地過

冬之請復經多方磋商亦賴堅持人隨地歸之約俄督不願再借得以金山收回從此伊犁塔爾巴哈台聲氣始通精河庫爾喀喇烏蘇亦免俄人錯處之逼新疆疆西而無虞伊犁後路轉輸亦可無阻實於邊疆大局裨益不小長將軍奏稿英林稟稱巴爾魯克山形勢東西短南北長山南支麓與枚利山接連中有曠野東北自老風口東南接薩斯布魯貝塔一帶長二白餘里寬百餘里數十里不等在巴爾魯克山之東雅瑪圖枚利諸山之西兩山之間諸水錯出間有高原小阜而地勢平行草色葱蘢一望無際布魯貝塔迤南十里布倫布拉克地方緊扼

新疆圖志

山脈志六

五

山口尤為形勝之區如將塔爾巴哈台額魯特游牧領隊大臣移設此處洵屬相宜山布倫布拉克北至塔爾巴哈台四百餘里南至伊犁之博羅塔拉大營盤亦四百餘里由營南行百四十里即入伊犁大路以上各站薪草俱便間有石徑犖确坡路欹斜之處稍加修理車輛亦可暢行臣查巴爾魯克山踞伊犁塔爾巴哈台庫爾喀喇烏蘇精河四界之間形勢險要水草豐美從前額魯特牧於斯山號為巴爾魯克部巴爾魯克者譯言樹木叢

密也其爲關外沃壤載籍可徵今幸將全山收回其山西面綿亙七八百里處處與俄境毘連極宜未雨綢繆以固吾圉英林勘定之布倫布拉克地方尙屬適中扼要擬即將塔爾巴哈台之額魯特游牧領隊大臣移設布倫布拉克並將伊犁察哈爾營領隊大臣查照光緒十九年奏案出駐博羅塔拉庶彼此聯爲一氣平時足資控馭有警互爲聲援是新疆西北隱隱增一重鎮而伊犁塔爾巴哈台後路皆可恃以無虞矣

謹案巴爾魯克山西流之水有三今人無稱綽諾布拉克者當即察罕托海之變音也長將軍疏稱巴爾魯克山袤延寬廣形勢險要其東北老風口有關塔城餉道西南大河沿有關伊犁餉道而精河庫爾喀喇烏蘇等處均以此山爲藩籬擬將額魯特游牧領隊大臣移設此山與博羅塔拉相爲犄角而策其後者狃於便安卒成畫餅殊可惜也

又東北曰固哲爾德之山固爾圖河水出焉西北流入

於額敏河

西域水道記岡爾圖河發自塔城東南二百餘里之郭哲爾德山諺云高吉登山西北流經沙喇呼魯蘇軍臺北今作沙爾霍羅斯又西北經固爾圖地為固爾圖河又西北入於錫伯圖河又西流逕城南百里是為額敏額河敏者回語清淨平安之謂音轉為額密爾

塔爾巴哈台鄉土志巴爾魯克山東北層峯疊嶂為沙拉布古奇山固哲爾德山山在城東南三百

新疆圖志

山脈志卷六

七

六十里其尾北與高吉墩相聯為蒙哈各部游牧散帳之處

謹案高吉登高吉墩即今之噶吉爾敦在塔城東南二百七十里其音轉為固哲爾德山以地名也

又東北曰額依賓之山額敏之水出焉西北流注於古爾格淖爾

塔爾巴哈台鄉土志額依賓山在城東三百餘里發脈賽里山迤西經察罕鄂博向西南趨至毛海

柯凌及鄂勒克綽爾山今蒙人皆謂之額依賓山
毛海柯凌一名莫該可列設有防卡鄂勒克綽爾
一作鄂爾和楚準語山峯高聳之謂距城二百餘
里西域釋地鄂勒霍楚爾山綏靖城東二百餘里
茂海柯凌山城東二百餘里

謹案西域圖志云鄂爾和楚克鄂拉在巴爾魯
克東北四百里自此東北行一百五十里與朱
爾庫朱鄂拉相接其南行一支入沙磧者爲薩
里鄂拉色伯蘇台鄂拉鄂爾和楚克即鄂勒霍

綽爾也此與毛海柯凌同爲額依賓之支山洪
圖作鄂爾霍楚克一作鄂勒克綽爾土志云賽
里山西南隅爲阿和賽爾山鄂勒克綽爾山兩
山西尾交處爲高吉墩高吉墩即噶吉爾敦其
臺在塔城東南二百七十里額敏河之南額敏
者即額依賓之捷音也西域水道記云額敏河
源出塔城東二百七十餘里之鄂爾和楚克山
額爾和楚克今人統呼爲額依賓山蓋二而一
者也西域圖志不言額敏河之所自出而載鄂

爾和楚克所出之水曰布隆郭勒發源北麓達木郭勒烘郭爾布拉克發源南麓皆與今水異名案達木當即納木河然其水實東南流入艾拉克淖爾與圖志河流方向不合蓋水名齊湑久矣

又東北曰賽里之山于浣烏拉斯特水出其陰哈布托幹烏拉生水出其陽

西域圖志薩里鄂拉在鄂爾和楚克鄂拉東一百里南臨沙磧西域水道記阿勒坦山西南八百餘

新疆圖志

山脈志卷六

九

里曰賽爾山

新疆圖說薩里山亦名賽里在塔爾巴哈台城東四百五十里塔爾巴哈台鄉土志賽里山一名薩里山亦名薩爾山

西域釋地賽里山在塔城東北凡百餘里層巒疊嶽周二百里有奇賽山山之陽名和博克薩里距城六百餘里準噶爾未滅時此其游牧人版圖後乾隆三十六年始畀北路三旂吐爾扈特布延圖親王駐之西域水道記云納林喀喇山之東爲阿

勤坦烏梁海種人山之西爲和博克薩里吐爾扈
特種人會典輿圖有和博河薩里山是爲二地今
和博克薩里呼爲一處相沿已久蓋地名隨時改
易也連峯疊嶂高插雲霄絕頂冰雪四時凝結山
之中腰勢如斬斷兩崖萬仞中夾一徑可通山陰
山南平川卽和博克薩里舊吐爾扈特親王府在
焉

謹案賽里準語謂馬股山形似之中俄分界自
阿爾泰山起至賽里山止爲北路所立牌博據

新疆圖志

山脈志六

十一

新疆圖說哈布托幹烏拉生水之外尙有和洛
土得可水阿里札圖水皆出賽里山陽平曠泉
穴之中南流二三十里不流

又東北曰納林喀喇之山額爾齊斯河自其北過之

西域水道記納林喀喇爲噶勒札爾巴什淖爾

赫薩爾巴什淖爾北岸山車布登傳云乾隆二十一年和

托輝特逆賊青衮咱卜叛車布登將以兵會參贊
塔爾瑪善赴烏蘭嶺追剿阿睦爾撒納未至遽由
納林喀喇歸牧卽其山也

塔爾巴哈台山其上多獺塔爾巴哈台之冰出焉
西域圖志塔爾巴哈台鄂拉在朱爾庫朱鄂拉西
北一百里山脈相屬爲準境北屏山有特里特額
達巴尤稱險隘乾隆三十一年秩於祀典每歲春
秋致祭案自此西南行爲鄂爾和楚克鄂拉其脈
自博羅塔拉北山東行至此始合

西域水道記塔爾巴哈台城者名以山也山在城
北百里乾隆二十二年官兵追巴雅爾五月二十
四日至塔爾巴哈台山後極險處奇徹布截賊去

新疆圖志

山脈志六

十一

路羅卜藏多爾濟等從東攻入奪險五處夜半巴
雅爾遁官兵追之至愛古斯兩路搜尋六月初二
日海蘭察追及之巴雅爾引弓欲射海蘭察射中
其肘占頗圖射中其頸乃被擒凡十有餘日巴雅
爾繞行塔爾巴哈台山三次蓋比之三周華不注
矣

塔爾巴哈台鄉土志城之南北皆山東繞西合控
帶四維其最近翼蔽城垣而嚴限中外者惟塔爾
巴哈台一山準語塔爾巴哈獺也地多獺故名新

疆識畧云塔爾巴哈台城東北二百餘里有珠爾呼珠山毛河柯凌山又城北七十里有烏里雅蘇圖山考北境一帶大山東與賽里山相接西至阿雅古斯河即愛十口斯河及巴爾喀什淖爾之處橫亘千餘里今蒙人統名之曰塔爾巴哈台山巖然高聳前斜後削天險自成光緒九年中俄分界議以此山嶺爲限水向西北注者爲俄境水向東南流者爲中國地綏靖城在其南誠北方屏障也

謹案塔爾巴哈台所出之水曰特里色勒水南

新疆圖志

山脈志六

十

流四十里止於地喀喇奇塔特水南流四十里至五十一號中俄分界牌博入塔城境曰布爾汗河水東流四十里至五十三號中俄分界牌博入塔城境新疆圖說云塔巴爾哈台山在城東北七十五里原名珠爾呼珠山非也

烏里雅蘇圖山

新疆識畧烏里雅蘇圖山在塔爾巴哈台城北七十里東北三十里至楚呼楚山根

楚呼楚山楚呼楚水出焉南流入於額敏河

西域水道記西域初定雅爾與塔爾巴哈台兩處
同駐兵乾隆三十一年參贊剛公桂奏言雅爾之
地向來雪大而牧場遙遠近城所有地畝不敷五
百兵丁耕種悉心查勘得塔爾巴哈台山陽鄂畢
特之舊游牧地曰楚呼楚田土膏腴水亦充足牧
馬之處既不甚遠毋庸動移卡座地方形勢亦頗
佳勝請將雅爾城移於楚呼楚於是建綏靖城楚
呼楚山在塔爾巴哈台山東南一百里楚呼楚水
南流經城西來匯於額敏河

新疆圖志

山脈志上八

十二

西域釋地塔爾巴哈台舊爲準噶爾北境本爲楚
呼楚後定今名

謹案鄂畢特今作滿畢特楚呼楚山以蹟名在
額敏河北

錫伯圖山錫伯圖水出焉南流入額敏河

謹案錫伯圖山西距塔爾巴哈台城一百里其
下有卡倫

塔伯圖山阿布達爾之水出焉西流入於額敏河
謹案塔伯圖山在錫伯圖山西

素瓦素嶺

謹案素瓦素一作蘇瓦素爲中俄分界第五十號牌博

哈巴爾阿素嶺

謹案哈巴爾阿素一作哈巴爾烏蘇爲中俄分界第五十四號牌博是爲塔界第二十一處

巴克圖山巴克圖水出焉南流入於額敏河

西域水道訛巴克圖水二支東支發自巴克圖山西支發自烏蘭嶺南流數十里右匯哈屯河又折

新疆圖志

山脈志六

十四

而東南流六十餘里至巴克圖卡倫南東支水自卡倫東來匯同西南流六十里經瑪尼圖卡倫西入額敏河巴克圖山在塔爾巴哈台城西七十里其歲祭文曰嵯峨設險奠崇基於月窟以西磅礴鍾靈分大幹於天山之北通往來於諸部棧接梯連壯形勢於殊方峯層嶂疊編修曹仁虎所擬詞也

西域釋地巴克圖山在靖城西四十里

新疆圖說塔爾巴哈台西至巴克圖山四十五里

與俄屬葦塘子連界

塔爾巴哈台鄉土志城西七十里爲巴克圖山秩
於祀典有告祭歲祭文

謹案巴克圖山爲中俄分界第四十八號牌博
珠爾呼珠山

西域圖志朱爾庫朱鄂拉在烘和圖淖爾西南八
十里山脈自必濟鄂拉北古爾畢達巴南分支西
出走青告勒河北額爾齊斯河南六百餘里折而
西北行四百里至此北路羣山之次高者山此有

新疆圖志

山脈志上八

十五

水東南流滙爲小澤乾隆二十年大兵進討準噶
爾遣官告祭案阿勒坦鄂拉西南羣山縈絡而朱
爾庫朱鄂拉厥名較著處烘和圖淖爾之西南唐
書葛邏祿部跨僕固振水包多怛嶺僕固振水爲
今烘和圖淖爾則多怛嶺應於此山爲近是矣
謹案新疆識畧珠呼爾^{珠呼}珠山在塔城東二百餘
里珠爾呼珠卽朱爾庫朱譯者異文耳

阿和賽

塔爾巴哈台鄉土志賽里山西南隅爲阿和賽爾

山鄂勒克綽爾山兩山西尾交處爲高吉墩地氣
高寒風勢狂大

白嶺察罕河水出焉西北流入於額敏河

謹案白嶺在鄂勒霍綽爾西南

可可哈毛爾嶺

謹案可可哈毛爾嶺在白嶺之西噶吉爾敦臺
之東

沙拉布古奇山

塔爾巴哈台鄉土志沙拉布古奇山在城東南二

新疆圖志

山脈志六

十六

百五十里

阿里雅瑪圖山其陰阿里雅瑪圖之水出焉

塔爾巴哈台鄉土志阿里雅瑪圖山在城東南三
百五十里

謹案阿里雅瑪圖山在巴爾魯克山東其支峯
也山北所出之水曰阿里雅瑪圖水曰排吾起
水皆北流四十里分溉屯田

莫多巴爾魯克山莫多巴爾魯克水焉西流出卡人
於俄境

謹案莫多巴爾魯克山在巴爾魯克山南亦其支峯也其水西流五十里至四十號牌博入俄境其卡在塔爾巴哈台城南二百八十五里

札婁勒山

謹案札婁勒山在莫多巴爾魯克卡南為中俄界三十七三十八三十九號牌博亦巴爾魯克山支峰也

瑪立山有水焉東北流止於地

謹案瑪立山在札婁勒山東南科別台南烏宗

新疆圖志

山脈志六

十七

布拉克台東烏宗布拉克台亦巴爾魯克山

支峯新疆圖說云庫庫托羅海水阿克塔斯水

澆僅得隆水萌古隆水皆出瑪立山陽東北流

數十里不流

格德蘇山雅瑪圖水出焉

新疆識畧格德蘇山在塔爾巴哈台城南三百餘里

謹案格德蘇山在瑪立山東雅瑪圖卡西西北距塔城三百五十里亦巴爾魯克山支峯

綽羅布圖勒山

新疆識畧格德蘇山迤東有綽諾庫圖勒山

謹案綽諾庫圖勒即綽羅布圖勒在瑪立山東南

夏拉托羅海山

謹案夏拉托羅海山在綽羅布圖勒山東北

拉古山坤都倫水烏吐布拉克水出焉

謹案拉古山在夏拉托羅海山東北坤都倫軍臺之南東北距塔城四百八十餘里新疆圖說

新疆圖志

山脈志六

十一

云坤都倫水北流三十里不流烏吐布拉克水西流五十里不流

白同哈拉山

謹案白同哈拉山在拉古山東沙爾札克軍臺

西南說爾噶其河之南多蘭圖山之支峯也

蘇海圖山

謹案蘇海圖山在覺隴烏蘇淖爾之西達爾達

木圖河之南喀圖山之支峯也

青石峽其中多石油

謹案青石峽西北距城六百餘里在蘇海圖山
南與綏來交界其地產石油質極稠濃曬則成
塊鎔墊火輪軌道堅而耐久提煉得法亦五洲
之大利也

博古圖山博古圖水出焉有獸壯如馬騾鬃驢尾千
百其羣土人謂之野馬

謹案博古圖山在青古峽之西齋爾山之南南
與庫爾喀喇烏蘇交界

齋爾山其北蘇爾圖之水出焉東流入於納木河其

新疆圖志

山脈卷六

十九

東達爾達木圖之水出焉東南流伏於戈壁

新疆圖說齋爾山在塔爾巴哈台城東南四百二
十里山北之水曰蘇爾圖河東北流五十餘里經
鐵廠北又東流一百七十餘里經西二工金廠山
北與納木河會山東之水曰達爾達木圖河東南
流經金廠南又東流一百里伏於戈壁

塔爾巴哈台鄉土志齋爾山距城三百餘里蒙古
游牧詛塔爾巴哈台東南地方也漢爲匈奴右地
郅支單于居此魏爲烏孫地元魏爲高車地周隋

爲突厥地唐爲三葛邏祿部地廣饒水草舊爲準噶爾阿克巴等五集寨游牧之所乾隆二十四年大兵進剿五集寨宰桑達什策陵等以其地內附攻齋爾山亦名載里山自塔城東南金廠往西至巴爾魯克一帶蜿蜒五百餘里一脈聯貫近日分爲兩大山自南路軍臺以東爲齋山爾以西爲巴爾魯克山哈布圖山多蘭圖山皆齋爾山支峯也喀圖山其木多樺楊其鑛多金其獸多彪虎黃熊善搏人有鳥焉小而善鳴土人呼之爲幾回醉酒良戛

新疆圖志

山脈志六

二十一

爾圖之水出焉南流伏於戈壁

塔爾巴哈台鄉土志喀圖山即哈布圖山亦名達

爾達木圖山

哈圖即阿騰之轉音阿爾泰又在城阿騰之轉音均譯言金山也

在城

東南五百餘里塔城鐵廠煤窰均在齋爾山之陰金廠則在哈圖山之陽山南縱橫百里舊金廠十

處

西處居本山東南北三隅餘俱散布於各岡阜中

良戛爾圖河源出其

南蘇爾圖河源出其北均向東南流山之陰峯迴路轉清流映帶樺楊雜生奇石挺秀東南與齋爾山相對峙其間自西徂東岡巒澗壑錯綜紛歧表

延二百餘里截然止於大磧迤南一帶小山基列
或散布或銜接皆石壁瘦峭地云不毛再南則戈
壁一望無際矣

謹案新疆圖說哈布水合佳爾太水均出哈布
圖山南流伏於戈壁合佳爾太即良曼爾圖之
異譯蘇爾圖水則出齋爾山與今鄉土志異蓋
齋爾喀圖皆相連之山也塔城東北諸山皆有
金山之名菁華早露者惟哈圖山爲最縱橫百
餘里碁布星羅苗綫皆自西而東或伏或顯或

新疆圖志

山脈志六

一一一

聚或分寬狹淺深俱無一定有亂如髮絲縱橫
交插者有蜿蜒盤曲忽上忽下者有細而漸大
大而漸無者有鑽透成沙積各石層下者以上
層而言皆銜結青色堅硬石層之中故名石鑛
與沙鑛不同其原則一鑛學家謂石鑛本沙鑛
之母自透露地面經數千年熱漲寒縮風斤雨
帚夾沙下流或積於河底或埋於沙下其可淘
洗而得者是謂沙金沙金者工省而易若石鑛
則凝結於堅頑包孕於密遠採之者非攻去其

石莫由而獲鑛非一層水非一道縫幽鑿險工費繁鉅往往資少器笨半途輒廢因此下層諸鑛均未宣洩此非有大力者不能任之也哈圖山金鑛自新疆拓闢以來內地商民聚此開挖者幾數萬人舊有十廠曰蘭州灣曰新蘭州灣曰東新興工曰西新興工曰老南工曰老東工曰察罕阿騰曰馬拉水曰車路溝曰札工各處頽垣敗井斷瓦破窰目其遺址勢若大鎮追詢十廠始末無知之者惟札工開辦最後咸豐初

新疆圖志

山脈志六

一一一

年有關內商民劉光和下極明等五大股聚此開鑿公舉劉光和爲首號金頭跟苗追鑿五年而小效又四年而大贏嗣鑿至旺地適值甲子回亂塔城戒嚴劉光相等率礦夫往援而哈民乘機剽掠因棄礦遠逃年久洞水積九十餘丈繼往作者去水無方坐是以廢光緒二十三年俄商涎之請於撫臣饒公應祺撫臣不欲外人專其利疏請華俄合辦公置機碾於二十五年興工新開之井一無所得惟運碾舊年棄礦五

年之久虧折二十四萬餘金其工遂輟二十九
年撫臣潘效蘇念廠舍機碾之廢壞也復立寶
新公司招集股本改爲官督商辦委縣丞施再
萌董其役仍運碾先年棄礦二年復折二萬餘
金而其役遂又中輟時三十三年事也然前此
所採皆屬上巖其下巖菁英固未嘗一洩也而
取之較上巖爲尤難夫深山寶藏原以待生民
之取用彼造物者豈嘗有吝惜矜秘而故示人
以難哉然從來珍奇所在莫不蘊匿於寂壑窮

新疆圖志



山脈志六

一一二

崖冰天雪窟之中而工重役苦瘴厲毒惡人當
之而病畜觸之而瘖又復路險途長糗糧難繼
無泰西鐵軌汽車之利泰西礦地雖不特設鐵軌用達通衢饋資糧通
商販而一切浣火紙布擦膠機件油錫煉金錫水
炸藥之細無一非以重直購自外人而司其事
者又不免於侵冒此所以求者千百而獲者僅
一二也

木同鄂博山說爾噶其河之水出焉南流伏於戈壁
謹案木同鄂博山在齋爾山西亦其支峯也新

疆圖說云說爾噶其河亦名烏土水南匯胡吉爾台諸水流一百二十餘里伏於戈壁

多蘭圖山其北多蘭圖諸水出焉其西哈拉阿圖諸水出焉

謹案多蘭圖山在木同鄂博山而雅瑪圖軍臺東新疆圖說云多蘭圖水拜興圖水出山北均北流入於沙磧哈拉阿圖水阿拉克改水下流改布拉克水出山西均西北流四十里不流

哈屯山

新疆圖志

山脈志六

一四

新疆圖說云哈屯山在塔爾巴哈台城東南六百里

塔爾巴哈台鄉土志哈屯山在土爾扈特霍伯克

河即和博克賽里河南岸山脈由鄂勒克綽爾山折而東

趨二百餘里皆謂之哈屯山

素滾嶺

謹案素滾嶺在哈屯山東爲哈屯山支峯素滾達坂臺北距烏蘭布拉克臺八十里

賽勒克山

謹案賽勒克山在布霍圖臺之南亦哈屯支峯
日本圖作色爾克山

仙里克山

謹案仙里克小山也在賽勒克山東

阿拉特山

謹案阿拉特山在仙里克山東其南即莪洛素
托小海子

雅嶺

謹案雅嶺在素滾嶺東

新疆圖志

山脈志六

一一五

聖里克山雪里杆特布拉克水出焉南流三十里止
於地

謹案雪里克山在雅嶺東南

庫克申倉山其上產煤質軟而無烟宜烘爐

塔爾巴哈台鄉土志庫克申倉距城七百餘里半

山半水石中含蚌蚘甚多博物家言茲山係上古

海島

又塔城東南四百餘里之白楊河口即納木
河兩岸產煤左右礦石灰石泥片石逐層間

隔泥片石中含何木植枝節紋類鱗袖又含有扇
面如類此屬水族俗呼石燕指爲禽類非也距煤

層上二十餘丈之山坡其灰石間含木植亦如捲
柏有大至合抱身長數丈者有如荏葦幹大盈握

者礦學家謂見此知
下有煤層無疑矣

謹案庫克申倉在雪里克山東南自哈屯以下
諸山至此皆在和博克賽里河南納木河北

巴音菊羅坤山

謹案巴音菊羅坤山在巴音鄂博圖臺南

博依倫山博依倫水出焉南流入於和博克賽里和

謹案博依倫山在巴音菊羅坤山東烏圖布拉

克臺西南

巴曼阿拉凌圖山

新疆圖志

山脈志六

一六

謹案巴曼阿拉凌圖山在博依倫山南

咸鄂洛倫山咸鄂洛倫水出焉

謹案咸鄂洛倫山在巴曼阿拉凌圖山東南

阿拉曼凌圖山

塔爾巴哈台鄉土志阿拉曼凌圖山距城七百餘

里

謹案阿拉曼凌圖山在咸鄂洛倫山南

得林山

謹案得林山在阿拉曼凌圖山東南塔城鄉土

志云薩勒布爾山又東爲疊林山距城九百餘里疊林即得林也

薩勒布爾山

塔爾巴哈台鄉土志阿拉戛凌圖山迤邐東行百餘里突兀高起三百餘丈爲薩勒布爾山距城八百餘里

謹案薩勒布爾山在咸鄂洛倫山東鄂蘭布拉克臺東南

哈根哈拉山

新疆圖志

山脈志六

二七

謹案哈根哈拉山在薩勒布爾山東與科布多界再南爲哈布塔戛圖哈拉小山巴音山均東與科布多界自巴音菊羅坤諸山至此皆在和博克賽里河之東

穆司島嶺

謹案穆司島在賽里山西南爲塔城北段至阿爾泰山中俄分界第一牌博洪圖作穆斯套嶺鄉土志作木斯陶山土爾扈特呼曰郭爾板察斯土

色伯蘇台山

西域圖志色伯蘇台鄂拉在納林和博克東北十里山脈自鄂爾和楚克鄂拉分支東南行百餘里至此又南行入於沙磧

塔挖梗山

塔爾巴哈台鄉土志賽里山西北為木斯陶山塔拉痕山東南為阿騰烏魯山崔巍聳峙皆賽里之支峯也

謹案塔挖梗山在穆斯烏嶺東北塔拉痕即塔

新疆圖志

山脈志六

二八

挖梗之變音也

白登哈拉山

謹案白登哈拉小山在塔挖梗山東其下有小泊出水北流入額爾齊斯河

老汗山

謹案老汗山在塔挖梗山北察齊爾海臺南一作

恰拉臺距行營六百七十里

哈塔勒山

謹案哈斯塔勒山一作陶斯圖山在老汗山北

額爾齊斯河南

庫克辛山

西域水道記庫克辛山者禡木特之所游牧因以名其部故禡木特傳云禡木特厄魯特人號庫克辛蓋猶塔爾巴哈台之厄魯特牧於巴爾魯克山謂為巴爾魯克部矣或曰庫克辛者老也故以別宰桑禡木特

謹案庫克辛洪圖作濶克孫亦作空紳在哈斯塔勒山東南納林河經其東邵羅圖水經其西

阿合孔山

謹案阿合孔山在老汗山東北額爾齊斯河南洪圖作諾海山

芍隴山

謹案芍隴山在阿合孔山東南庫克辛山西南日本圖作月倫山

可登山

謹案可登山在空紳山東額爾齊斯河南已上塔爾巴哈台境內支山

又東北曰古爾畢之嶺哈喇圖水出焉西南流入於額爾齊斯河

西域圖志古爾畢達巴在額爾齊斯河東北哈喇圖郭勒發源西麓山脈自鎮西府東北境之必濟鄂拉西北行二百餘里至此峭崿特拔其支山西出走哈喇額爾齊斯郭勒哈喇圖郭勒之間一統志古爾畢嶺在塔爾巴哈台極東境山脈自鎮西之必濟山西北行二百餘里爲全境屏障

謹案古爾畢嶺西南與納林哈喇諸山相接其

新疆圖志

山脈志六

二十一

脈實自伊犁塔城蜿蜒而東特其山分支四出迴環糾繞故言山脈者各據一說也

又西北曰庫爾圖之嶺哈喇爾齊斯之水出焉西南流入於額爾齊斯河

西域圖志庫爾圖達巴在古爾畢達巴西北一百里山脈相屬哈喇額爾齊斯郭勒發源西麓其支山西出走哈喇額爾齊斯郭勒奇喇郭勒之間西域水道詔喀喇額爾齊斯河出庫爾圖嶺南流百里左會一水復西南流五十餘里與華額爾齊

斯河會二水以黃黑異稱

又西北曰烏可克之嶺

西域圖志烏可克達巴在阿勒坦鄂拉東

又西北曰阿爾台之山是山也周數百里東望喀爾喀

西望準噶爾部南望烏魯木齊連峯杳嶂盛夏積雪不

消其樹多松檜其藥多野參獸多貂狐狍獐鹿之屬

其陰多銀鉛多黃金阿爾台之水出焉其中多鱒鯊之

魚

西游錄明年己卯也是為元太祖十四年大舉西伐道過金山

新疆圖志

山脈志六

二二一

元史玉哇失傳諸王和林木及失刺等叛追至金山北邊備對曰金山隋唐間笑激阿史那氏得古劍

奴之地居金山之陽按其然時方盛夏雪凝冰積

斲冰為道

西游記載邱詩云雪嶺界天人不到冰池耀日日難觀原注人云向此冰池之

問觀看則松檜參天花草彌谷

印處饑金山詩云魂識昏味

本林森動有白餘尺萬株相倚鬱蒼蒼蒼一鳥不鳴空寂寂

金山而西水皆西流

入海其南有回鶻城名別石把有唐碑所謂瀚海

軍

西游記曰北庭端府景龍三年楊何大都護有德岐有龍興西寺二石刻在功德煥然可觀西

城傳補注云金滿縣又改後庭縣北庭都護治也元於別失汜里立北庭都元帥府亦治於斯故城

在今保惠城二十餘里地曰護堡子破城有唐金滿縣殘碑西游記七月九日

同宣使西南行五六日屢見山上有雪又三二日
厯一山高峯如削松杉鬱茂而有海子南出大峽
則一水西流雜木叢映於水之陽韭茂如芳草夾
道連數十里北有故城曰曷刺肖西南過沙場二
十里許水草極少始見回紇決渠灌麥又五六日
踰嶺而南至蒙古營宿拂廬旦行迤邐南山望之
有雪郵人告曰此雪山北是田鎮海八刺喝孫也
八刺喝孫漢語爲城中有倉廩故又呼曰倉頭七
月二十五日有漢民工匠絡繹來迎又有章宗二

新疆圖志

山脈志六

二二二

妃曰徒單氏曰夾谷氏及漢公主母欽聖夫人袁
氏號泣相迎翌日阿不罕山北鎮海來謁曰前有
大山高峻廣澤阻陷非車行地宜減車從輕騎以
進用其言以一車蒙古驛騎二十餘傍大山西行
宣使劉公鎮海相公又百騎李家奴鎮海從者也
因曰前此山下精截我腦發髮我甚恐鎮海亦云
乃滿國王亦曾在此處山精所惑食以佳饌師默
而不答西南約行三日復東南過大山經大碇中
秋日抵金山東北少駐復南行其山高火深谷長

坂車不可行三太子出軍始闢其路乃命百騎挽繩縣轅以上縛輪以下約行四程連度五嶺南出山前臨河止泊從官連幕爲營因水草便以待鋪牛驛騎數日乃行有詩云金山南面大河流河曲盤桓賞素秋秋水暮天山月上清吟獨嘯夜光球金山雖大不孤高四面長挖拽脚牢橫截山天心腹樹干雲蔽日競呼號桐鄉程同文釋曰阿不罕罕山也鎮海傳太祖命屯出於阿魯歡立鎮海城阿魯歡者亦即阿集爾罕山也長春由此西行傍大山者即傍阿爾泰山之東大幹今烏蘭古木中過青吉斯海子之北乃向西南行當取道於今科

新疆圖志

山脈志六

布多再西南乃科布多阿爾額爾齊斯河發源之處阿爾泰最高之脊所謂東南過大山經大硤抵金山者當謂此渡河而南前經小山石雜五色其旁草木不生首尾七十里復有二紅山當路又二十里鹹鹵地中有一小汝井因駐程挹水爲食旁有青草多爲羊馬踐履宣使與鎮海議曰此地最難行處前至白骨甸地昔黑石約行二百餘里達沙陀北邊頗有水草更涉大沙陀百餘里東西廣袤不知其幾千里及回紇城方得水草遇天晴晝行人馬往往困斃惟暮起夜度可過日暮遂行牛乏皆道

棄之馭以六馬自爾不復用牛矣

西域圖志阿勒坦鄂拉替音阿爾泰爲古金山在
庫爾圖達巴西北三百里哈柳圖鄂勒發源西南

麓

西域水道記作哈流圖山云發自庫爾圖達巴西北三百里

爾圖達巴屈折至此其迤東境峰巒層叠互數百
里爲北路各山之冠東爲舊藩喀爾喀蒙古諸部
西爲準噶爾部乾隆二十年太兵討準噶爾遣出
阿勒坦鄂拉遣官祭告北魏蠕蠕傳那蓋出自金
山累有勝捷國人咸以那蓋爲天所助乃殺豆崙

新疆圖志

山脈志六

二二四

母子那蓋襲位號候其伏代庫者可汗自稱太安
元年子伏圖立號他汗可汗伏圖西征高車爲高
車王所殺子醜奴立禽其王殺之盡併判者國遂
強盛隋書突厥傳姓阿史那氏後魏太武滅沮渠
氏阿史那以五百家奔茹茹世居金山工於鐵作
金山狀如兜鍪俗呼兜鍪爲突厥因以爲號西突
厥大邏便強盛東距葱斤西越金山唐書突厥傳
車鼻亦阿史那族而突利部人也頡利敗薛延陀
稱可汗乃往歸焉延陀將殺之乃遂去竄金山之

北自稱乙注車鼻可汗西葛邏祿北結骨皆並統
之延陀發衰車鼻勢益張右繞衛即將高偁擊之
攻阿息山追至今山獲之景雲中葛邏祿胡屋鼠
足施三姓大漠都督特淮朱斯陰山都督謀落匐
雞元池都督蹋實力胡鼻率眾內附詔處其眾於
金山回鶻傳薛延陀乙失鉢爲野啞可汗在金山
者西役葉護可汗乙失鉢孫夷男率其部稍東保
都尉橈山獨邏水之陰東室韋西金山南突厥北
瀚海按蒙古語謂金爲阿勒坦與阿爾泰山相近
更以方位考之阿勒坦鄂拉即古金山無疑也蠕
蠕主那蓋西出金山而立國應在今阿勒坦鄂拉
之西更以高車傳彌俄特與伏圖戰於蒲類海北
之文證之則自阿勒坦鄂拉西南迄天山之北皆
其境壤突厥世居金山因兜鍪之狀以爲國號而
邏使越金山之西車鼻竄金山之北皆以金山爲
望鎮者至葛邏祿三姓本處金山西境因其內附
徙眾居之薛延陀乙失鉢未遷之前本處金山西
南是以西役葉護全夷男東徙乃與回紇均以金

山爲西界焉

一統志阿爾泰山在特思河西北綿互二千餘里
高入霄漢盛夏積雪不消爲西北諸山之祖其頂
在烏普薩池西北支峯蔓壑分爲四支正北一支
隨厄爾齊斯河以北至鄂羅斯國其東北一支繞
特思河之北千里東爲湯努山又東北接杭愛山
之陰北抵色楞格河其河東一支謂額爾齊斯河之東爲烏
蘭郭馬山繞奇勒稽思泊之北又東南爲白勒奇
那克科山又東爲石奇山空格依河出其南麓烏

新疆圖志

山脈志六

二二六

海河出其東北麓又北爲馬喇噶山布勒噶蘇台
河出其東麓又東北爲大山喀喇河諸水出其南
麓其南一支蜿蜒不斷納憐河呼勒泰河哈流圖
河納思克河布勒濟河哈巴河奇蘭河喀喇額勒
齊思河俱出其西麓哈勒奇薩河阿普都河出其
東麓山勢旋折而東布顏圖河出其北麓布拉青
吉比河札克台河出其南麓又東爲阿爾泰山之
尾又東南復分二支如黑雲二道界瀚海中其東
爲庫克西勒克山又東北接巴顏山其南支爲都

特嶺布帶山圖古克里河出其西麓又南爲布勒
堪山空鄂洛阿濟爾罕山層峯不斷千餘里橫截
沙漠爲阿爾班阿岳爾達察嶺又東南爲古爾板
賽漢山其南爲諾默渾山其東南爲五百根山至
空可喀喇龍山而止自空鄂洛阿濟爾罕山南向
爲奇齊格納山拜羈鄂爾山查喇圖山至伊塔特
圖山而止

西域水道記準語謂金山爲阿勒坦山舊對音爲
阿爾泰又作阿爾台西界烏梁海北界喀爾喀屯

新疆圖志

田官廠東界喀爾喀在科布多城南山頂極四十
八度七分西二十二度二分其尾極四十六度五
分西二十度四分元時太宗之孫昔里吉脫忽海
都分地多在金山元史土土哈傳至元十五年大
軍北征率欽察驍騎千人以從追失烈吉踰金山
擒札忽台等以獻二十九年略地至金山獲海都
之尸三千餘劉哈喇八都魯傳昔里吉叛宗王別
里鐵木兒奉命往征帝諭哈喇八都魯從行師次
金山有使者云自脫忽王所來願得一見王以爲

信左右曰詐也脫忽所居要害殆與昔里吉爲耳目願勿聽遣兵窺之脫忽方飲酣進擊大敗之因獲昔里吉所遣使知其不爲備乘勢進擊大破擒之玉哇失傳成宗在潛邸帝以海都連年犯邊命出鎮金山月赤察兒傳金山南北叛王海都篤哇據之不歸正朔垂五十年時入爲寇大德十年叛王滅里鐵木兒等屯金山武宗帥師出其不意先踰金山月赤察兒以諸軍繼往月赤察兒奏曰諸王禿苦滅本懷攜貳而察八兒游兵近境叛黨素

無悛心臣以爲昔者篤哇先衆請和雖死宜安撫其子欵徹又諸部旣已歸順宜處諸降人於金山之陽吾軍屯田金山之北按昔里吉者憲宗子脫忽者滅里大王之子海都者合失之子皆太宗孫脫忽分地在金山而篤哇昔里吉耳目是昔里吉分地在金山西也宗室世系表無篤哇之名而海都篤哇分據金山南北疑篤哇卽脫忽特宗室表脫忽子無欵徹耳海都子察八兒游兵金山近境則海都分地亦近金山矣山西南又百餘里曰塞爾

山山北百數十里爲額敏河

從軍雜記阿爾泰山譯曰金山或云即古金山極高峻八月雪齊馬腹定邊左副將軍喀爾喀王策令遣兵七千以十一月度阿爾泰越二千里至額爾起斯準噶爾部眾遁去乞降者數百帳

魏源兩征厄魯特記阿爾泰卽唐史所謂金山也高入雲霄三垂斗絕爲西北諸山大宗其北支循額爾齊斯入鄂羅斯其南支一則橫截大漠一則東走杭愛山卽古燕然山爲回紇牙帳及元之和林厯

代漠北建庭之所自康熙用兵修攘恢復增三音諾顏部而準夷不敢南牧蓋地利形勢使然哉還讀齋雜述光緒七年夏五月收還伊犁其年秋七月金順請敕科布多幫辦大臣額爾慶額就近會同俄官將西北邊界薩烏爾嶺奎峒山等處詳細履勘照約畫界科布多參贊大臣清安旋會奏科境游牧沃壤前日分讓俄人十分之六蒙民僅存烏梁海所屬哈巴河阿勒泰山一帶就牧營生復有哈薩克人眾擁擠生計日蹙若將哈巴河再

行分割則蒙哈部落必至無可容身且前定之界已建牌博豈宜另有勘改金順寄到地圖所繪奎峒山黑伊爾特什河薩烏爾嶺等處與新舊圖說核對不符其名曰奎峒山者或系科屬阿勒泰山此名綿亘數千里形勢巍然科塔兩城倚爲屏障俄人巧爲含混意圖據高臨下扼我要區名曰黑伊爾特什河者或係科屬額爾吉斯河此河順流而下逕逼俄境且達黑龍江彼若佔據以通運道最爲便捷一有緩急兵可衝波而至名曰薩烏爾

新疆圖志

山脈志六

四十一

嶺者或係塔屬博霍克賽里山此山爲塔城門戶與科界唇齒相依若分割歸俄不惟科塔隔絕必有覬覦瑪納斯古城之勢彼若聯絡吐魯番與南八城首尾相應卽伊犁烏魯木齊東路亦斷矣請勅下廷臣妥議得

旨就原圖應勘分處力與指辨酌定新界恭親王等奏約內聲明應自奎峒山過黑伊爾特什河至薩烏爾嶺畫一直線由分界大臣就此直線於舊界間酌定新界是此段界趾顯有出入之處履勘議分

關繫非淺

上令升泰馳赴科布多與清安額爾慶額會商金順辦理惟科塔之界原繪圖綫出入甚大升泰等前乘俄使未到將山川形勢預爲查明旋與額爾慶額面晤俄官巴卜闊福撤伏策幅等悉心商酌俄人欲照圖中直綫以哈巴河畫界升泰等力爲指辯俄使理屈詞窮始允退離哈巴河迤西約八十餘里至畢里克河定界畢里克係小河原圖並未繪列若照此劃分則俄佔哈巴河上游約二百餘里

我僅三分之一道里遠近仍失其平卽與原約相悖復商就俄國按西洋算法計之由舊界至哈巴河直綫止共二百八十餘里折中議分以昭公允又由新界北首起順至西南薩烏爾嶺穆斯烏冰山共長五百八十餘里均核與圖綫相符升泰遂與七月中旬起程過額爾齊斯河南勘分塔界額爾慶額亦徑赴科歸新界與俄官丈量里數照新定綫道劃分其豎立牌博處兼埋暗記今人遠有考旋便道察看舊界牌博細勘奎峒山地據形勝

與阿勒泰山腹背相連爲中外關鍵力與指辯得
移至阿克哈巴河源爲界奎峒山仍歸中土
長將軍奏稿阿勒台山即古金山蒙古謂金爲阿
勒坦舊譯爲阿爾台道光年釐定山爲阿爾台山
山後之諾爾爲阿勒坦諾爾以歸畫一茲山高入
霄漢雪積不消支峯蔓壑分爲四支東北自山後
之奎屯鄂拉起接連賽留格木嶺迤邐東北分爲
二支一爲烏里雅蘇台北境唐努山一爲中俄分
界之薩彥山由莎車鼎嶺轉向東南以迄恰克圖

六七千里爲中外之大防東南一支爲固爾圖嶺
索勒畢嶺科布多迤南軍臺所經各嶺暨巴里坤
東北之阿濟山蜿蜒東趨橫帶瀚海中起伏不斷
爲喀喇喀西路南境其長三四千里西行一支爲
薩爾塔爾巴哈台山庫爾楚木山抵額爾齊斯河
岸壁立如門硤名貝克河向東北劈硤而過其西
北之山名喀爾賓山入俄境阿勒台山前後物產
饒裕水草豐美久爲中外各部落所豔羨嘉慶道
光年間科塔兩城先後移撤卡倫將夏季展設邊

卡之地委爲哈薩克常年游牧之區不知哈薩克能至之地俄羅斯亦卽能至故咸豐十年議立中俄界約旣以常駐卡倫爲界而光緒七年復以前此訂明界趾不爰另議勘改蓋見我阿爾台山無人管理彼卽伺隙而入蠶食漸進至今未厭所欲昔春秋時莒子曰僻陋在夷其誰以我爲虞巫臣對曰夫狡焉思啟封疆以利社稷者何國蔑有今阿勒台山地方旣已定議交還科布多收管故臣首以防守事宜爲請恐一置度外後將補救無及

新疆圖志

山脈志上八

四二一

終不免有慢藏誨盜之虞但不統論西北全局無以見茲山關繫之重不參觀已往陳迹無以見今日辦事之宜謹擬阿勒台山應設官經理之處約舉數端一曰固疆域初四衛拉特分牧於天山之北阿勒台山之南部自爲長和碩特駐烏魯木齊準噶爾駐伊犁杜爾伯特駐額爾齊斯十爾扈特駐雅爾國朝自康熙年用兵準部以來皆分西北爲兩路平定後於伊犁設將軍烏魯木齊設都統塔爾巴哈台設參贊大臣獨於額爾齊斯未曾設

官以其地原屬北路彼時亦無人奏請故也所惜者烏梁海地曠人稀哈薩克屢次潛入致啟俄人窺伺於咸豐十年乘我北京有事請自沙濱達巴哈起直至齋桑諾爾以常駐卡倫爲界同治三年遂將阿勒台山後阿勒坦諾爾烏梁海部千餘里可耕可牧之地並科布多烏科克卡倫以西喀屯河源布克圖爾瑪河源及山前之齋桑諾爾迤西愛百斯各哈薩克牧地亦千餘里占去迨同治九年建立塔城界牌時俄人又將察罕鄂博界牌建

於中國界內侵入百餘里致將塔爾巴哈台赴阿勒台山之路截斷光緒七年訂約謂同治三年所訂齋桑湖迤東之界不妥請由兩國特派大臣勘改又將我齋桑諾爾全湖並阿拉克別克河西蒙哈各游牧地占去彼於山後哈屯河等處探金喀屯河發源於阿勒台山後喀屯斯克別勒克依山溝溝內產金兼產水晶並松杉大木俄人取作船料游獵者捕貂狐狍獐之屬歲獲鹿茸尤多光緒八年分界後俄人於齋桑南岸中國舊設瑪呢圖

噶圖勒干卡倫之地曾加修濬以作口岸齋桑諾爾產魚業漁者常數百戶由齋桑諾爾順額爾齊河北行經俄國斜米省城至托波利省爲彼國極便水路其輪船溯額爾齊斯河而上直達阿勒台山前且於山梁後沁達垓圖舊卡地地方設兵駐守從此以西順布克圖爾瑪河中國卡倫舊道以抵彼國所設之布哈塔爾敏斯克沿途設站並於昌吉斯台舊卡西南設立阿勒台斯克俯瞰山前尤爲我之要害額爾齊斯河由齋桑諾爾洩出北流

新疆圖志

山脈志卷八

四五

其西來會之布昆河爲塔爾巴哈台舊設卡倫之地俄人於彼採金其東來會之布克圖爾瑪河發源於沁達垓圖舊卡沿河爲科布多設卡舊地及其北烏利巴河俱產銀鉛各鑛俄人甲船載至斜米等處鎔鍊每歲秋夏運鑛之船幾四十號其由山後各處運出之木料皮張松子蜂蜜等物爲數亦巨是我阿勒台山後之利悉已爲其所奪而俄人議論措置其注意尤在山前光緒二十三年俄署使巴布羅福照會總理衙門請由阿拉克伯克

河邁喀普察蓋等處貿易現在俄人於齋桑斯克
設立行棧兩處之路業已走熟二十六年三月塔
爾巴哈台參贊大臣春滿電稱俄人請於布倫托
海捕魚當經電覆阻止上年冬臣奎阿勒台山據
駐哈巴河章京延年面稱二十六年八月俄人曾
用輪船載有礮位由額爾齊斯河溯流而上駛至
哈巴河口謂來捕魚經延年阻叫去冬科布多參
贊太臣瑞洵奏稱俄人力爭阿拉克別克河克巴
勒烏雍克地方即爲他日要索阿勒台山張本揆

新疆圖志

此情形若不早籌防守恐獠獍及米則我之疆域
受損日以益甚此應設官經理者一也一曰修守
備光緒四年前塔爾巴哈台參贊大臣錫綸奏稱
額爾齊斯河之在俄境如中國之有黃河與江而
其源出於我阿勒台山陽承化寺東南百數十里
之固爾圖嶺諸大山中俄人之所以必欲覬覦阿
勒台山者恐中國有于濬樓船之事光緒六年又
奏稱阿勒台山據額爾齊斯河上游爲俄人所必
爭山陽柯林河布爾津河哈巴河諸水西南流入

額爾齊斯河皆可灌溉屯田之語臣於光緒十二年密陳西北邊情亦曾奏明阿勒台山爲漠北全疆右臂額爾齊斯河出其南西北流入齊桑諾爾復西北流入俄境達北海其山體勢尊崇泉甘土沃我據之可以制俄俄據之可以害我者也布倫托海在其南三百里由布倫托海東南行十三站可達古城今中俄分界已至薩烏爾嶺去布倫托海甚近若一旦有事俄人由布倫托海南下一至古城則伊犁烏魯木齊隔絕在西新疆全局皆震

若剛勒台山設兵防守或復布倫托海舊治則東於科布多之邊防可固西於塔爾巴哈台之東路可以無虞南可以遮蔽烏魯木齊全境光緒十七年前甘肅學政胡景桂條陳新疆邊防善後事宜亦請於布倫托海設官屯墾奉

旨飭令臣與楊昌濬陶模會商妥議臣議以布倫托海本科布多屬地如將科布多幫辦大臣移於布倫托海駐紮就近防守阿勒台山較爲有益嗣經科布多參贊大臣魁福覆稱鉅款難籌擬俟塔

城借地交還將蒙哈安插妥協後再行會議奏辦
上年現任科布多參贊大臣瑞洵奏稱阿勒泰山
在古爲著名腴區在今爲彼族凡肉我不急謀守
禦終必拱手讓人臣前於光緒二十三年譯閱俄
書見俄人於托波利地方製造兵船截至光緒十
九年已造就大輪兵船一百零二隻尋常大兵船
二白隻現在西北利亞鐵道業已修成鄂穆斯克
總督斜米巡撫均扼駐額爾齊斯河岸又於阿勒
台山迤西之烏斯奇喀綿諾果爾地方築有礮臺

設有礮隊馬兵齋桑斯克亦有礮臺駐喀撒克馬
兵一營步兵八百七十五人上年冬索倫營總管
札拉豐阿稱濟木乃邊卡附近之肯德里克河及
哈巴河源察那噶圖地方住有俄民均係卡兵期
滿留於邊境發給牛種令其耕種遞年加增以備
有事時人人皆可爲兵之語是錫綸所謂玉濬樓
船之事彼早有準備而我於彼南下之途尙無規
畫徹桑未雨之謀勢難再緩此應設官經理者二
也一日重巡防查舊章每歲夏季塔爾巴哈台於

齋桑諾爾西北置輝邁喇呼卡倫於額爾齊斯河
西科布多置霍呢邁拉扈卡倫於額爾齊斯河東
冬季科布多於齋桑諾爾東南置瑪呢圖噶圖勒
干卡倫於額爾齊斯河北岸塔爾巴哈台置瑪呢
圖噶圖勒于卡倫於額爾齊斯河南岸交相守望
理藩院則例不准哈薩克潛入烏梁海游牧地方
並責成卡倫官員不時嚴查道光十八年烏里雅
蘇台將軍保昌等奏請移庫倫幫辦大臣駐科布
多爲科布多幫辦大臣並經奏定每歲春秋二季

科布多參贊幫辦大臣前往霍呢邁拉扈及瑪呢
圖噶圖勒于卡倫會同塔爾巴哈台查卡倫大臣
巡查哈薩克二次道光二十三年復經奏准每年
添派烏梁海散秩大臣一員自游牧內搜查至瑪
呢圖噶圖勒于與各委員會哨一次參贊大臣等
隔年輪查以紓蒙古兵力當年原定章程不爲不
密只因日久懈生巡邊事務因之廢弛今與強俄
爲鄰迥非昔比力圖補救尤在得人此應設官經
理者三也一曰輯哈部哈薩克爲漢康居國其部

有三曰左部右部西部哈薩克源流內載一百九十四鄂托克亂後隸塔城者尙二十三種其中有會投俄平定後陸續來歸者有附逆爲亂於光緒七年業經奉

旨免罪者有曾被俄誘始終不肯外附者種類旣殊良莠亦異現住阿勒台山之柯勒依哈薩克係右部王阿卜勒必斯第六子庫庫岱所屬部落原日牧地冬季在塔爾巴哈台所屬齊桑諾爾東南俄棟河東岸夏季在塔爾巴哈台所屬齊桑諾爾

新疆圖志

山脈志六

五十一

西北布昆河西岸皆與阿勒台山毗連僅隔額爾齊斯一河其冬日所住俄棟河之東岸又緊與額爾齊斯南岸瑪呢圖噶圖勒于地方相接同治三年新疆回匪變亂正值前烏里雅蘇台將軍明詣奉

旨會同塔城參贊明緒與俄官會議中俄界務之際議定地面分在何國其人可即隨地歸爲何國管轄定約時烏魯本齊等城已失塔城於明詣去後卽變維時各部哈薩克大半歸俄惟庫庫岱之

子阿吉不願歸俄管轄東徙阿勒台山陽一帶住
牧約束部眾不准附逆爲亂俄人誘以官職衣服
亦矢志不從同治五年棍噶札勒參在青格里河
立營阿吉率領部眾捐助羊一萬隻馬一千匹同
治七年棍噶札勒參安插額魯特人眾並收撫布
倫托海亂民又捐助馬一千匹羊二萬隻前科布
多參贊大臣奎昌會同俄官建立科塔兩城界牌
前署伊犁將軍榮某帶兵西進均經幫助蒙古支
應台站前將軍金順進攻古牧地阿吉之子哈生

新疆圖志

木罕孫巴達爾罕台吉鄂斯滿頭目朱爾圖拜等
十三員率其部眾捐健駝一千隻解送到營經金
順於光緒三年六月具奏在案哈薩克俗剽人悍
獨阿吉一部人稱恭順彼旣喁喁嚮義我即早應
給以牧地以獎忠順而資觀感但伊犁境內現在
實無隙地可容前經奏明哈薩克等住科布多境
內者歸科城管轄住塔爾巴哈台境內者歸塔城
管轄

欽奉

諭旨允准在案目下辦理安插即已需人將來常

年約束亦非有人經理不可如額爾慶額前經誤收之哈薩克雜居各蒙部中占據水草終難相安不若乘此收回借地之時將山嶺以東哈衆悉數移置山西不令再行東趨以免闌入喀部致滋貽患此固宜於安插時卽應一律辦理妥協者也至於常時事務繁多如俄商在蒙哈各部貿易及各國游歷之人任意在深山僻徑行走最易滋生事端而俄屬哈薩克在俄境盜竊逃入中國境內藏匿並中屬之哈薩克出邊盜竊仍復潛回藏匿均

屬常有之事若非設官查拿懲辦匪徒無以斂迹商旅亦無人保護至若中俄哈部接壤每因芻牧相爭與夫俄商貿易賒欠興訟者皆就近赴愬於齋桑斯克之俄官以致政權漸爲俄官所移而俄官袒其所屬剖斷不公中屬哈薩克頗爲受屈亦非常年設官管理不能兩得其平此應設官經理者四也論者未悉疆勢謂塔城新疆皆可兼顧不知科布多在阿勒台山東承化寺在阿勒台山西中隔烏西哩太嶺雪峰巍峻每歲惟六七月

馬行十日能至承化寺餘則必須遶由沙札蓋軍
台非二十日不能達塔城至哈巴河十四站哈巴
河至承化寺六站亦須二十日始能至而隔於察
罕鄂博之俄卡平時尙須假道於俄方能行走一
值有事卽有扼吭之阻遶由南道愈形迂遠新疆
隔於沙山戈壁東西橫亘千餘里無水無草遶由
古城綏來行走其迂遠亦與科塔相等此科塔新
疆均有難以兼顧之實就塔城情形而論孤懸西
北緊逼強鄰西面與俄接壤僅四十里而其地又

平曠無險可守其疆域自東北以迄西南兩面受
敵北面山嶺距城僅數十里嶺之上卽俄境嶺之
後蓋俄屬哈薩克廣集之區倘一有事副都統所
轄官兵僅一千四百餘以之固守本處尤恐不足
若再分兵兼顧千五百里以外之阿勒台山誠恐
力有未逮況俄國之齋桑斯克距阿勒台山之哈
巴河僅百數十里而俄國之斜米省距齋桑亦七
日可至無事則已若或有事恐塔城與阿勒台山
同時受兵則更可慮至於科布多有關喀爾喀西

境邊防參贊大臣等均駐剛勒台山又恐有顯此
失彼之虞查科布多幫辦大臣原因巡查哈薩克
而設今若移駐於阿勒台山地方管理蒙古哈薩
事務似與原案相符阿勒台山之陽地實廣沃額
爾齊斯河據俄上游阿拉克别克河爲河北門戶
濟木乃爲河南門戶由濟木乃至布倫托海平坦
無阻承化寺與布倫托海南北相值自承化寺東
南行至宿海岡由宿海圖踰岡西南地勢高敞可
以遙見薩里山陰之哈普托蓋一帶川面迤邐西

新疆圖志

山川志六

五四

南漸就平陸奇蘭河自東北而西南繞流其前克
木奇克河自西北來會同入額爾齊斯河其地土
脈肥潤林木叢茂二水中間似可擇建治之地其
南有巴勒巴海小山如案額爾齊斯河環繞其外
西望俄境則我所據之地雄壯可資控馭河南德
爾班津草場豐美再南爲噶勒札爾巴什諾爾東
南卽爲布倫托海地勢低下揆度全局應以額爾
齊斯爲總要提綱之地彼以輪船仰流而上我據
上游亦得高屋建瓴之勢如值有事額爾齊斯可

以翼蔽布倫托海布倫托海不能兼顧額爾齊斯
且哈巴河濟木乃均在下游指揮拒禦事事皆便
再三審度應以控河爲是哈巴河爲額爾齊斯河
北關繫緊要之處濟木乃地方較哈巴河關繫尤
重一統志載阿勒台山烏梁海部西南界由巴噶
諾爾起至噶勒札爾巴什諾爾北岸納林哈拉山
止與塔爾巴哈台所屬土爾扈特連界再由納林
哈拉山起至碑爾素克託羅垓止與塔爾巴哈台
連界其地蓋屬塔城轄境防守之道宜由科布多

塔爾巴哈台參贊大臣會商辦理濟木乃迤東六
七十里哈布托蓋地方宜於屯田其東北百餘里
之哈勒奇茲地方有小山可據有沃壤可屯百人
之食如於該處擇地開墾以屯代防並設馬隊百
餘騎幫同濟木乃防守比拉扣暨哈喇烏蘇等處
鄂博之巔兼可巡查薩里山陰各隘口與哈巴河
防營聯絡一氣互相犄角以扼濟木乃東通布倫
托海之路較爲得力布倫托海東爲科布多軍台
大路兼達古城西與塔爾巴哈台接壤兼通綏來

四路衝要且爲額爾齊斯河北大臣駐所援應之地宜設馬隊以重後路其西北地勢空虛易於受敵惟有噶勒札爾巴什諾爾與巴噶諾爾兩巨浸尙可藉爲阻隔必應防護於外始能屏蔽乎內而諾爾兩岸卽屬塔境又無應行紮兵之地僅西北角有納林哈喇山尙可扼守其山環抱諾爾西北中有流泉草亦暢茂如於其地駐紮馬隊巡查額爾齊斯迤南庫克幸山迤北可以固恰勒奇茲後路之防並於諾爾北面之穆呼爾岱東北之沙拉

呼魯素及諾爾西北與塔爾巴哈台接界之烏圖布拉克阿滿一帶擇地皆設卡倫巡查諾爾西北兩向之路無事資以察捕盜賊一遇有警藉資守望又巴噶諾爾迤南有通古城僻徑均應由布倫托海設卡撥兵防守以免奸宄私越布爾津河爲哈巴河之後路霍木河有通科布多要道爲大臣駐所西北藩籬額爾齊斯河北岸渡口並南岸往來必經之德爾班津一切布置均應酌度情形奏明辦理濟木乃東面恰勒奇茲迤南數十里之邨

爲駐軍之處前分界大臣額爾慶額會細勘奎
峒山地據形勝與阿爾泰山腹背相連爲中外
關鍵力與俄官指辯得移至阿克哈巴河源爲
界奎峒山仍歸中土扼其險要是此山得失關
繫新疆全局不但天山北幹首尾完具已也至
於境內支山則皆畧而不書以示限制云

